

62

Na osnovu člana 38. Zakona o visokom obrazovanju Hercegovačko-neretvanskog kantona („Službene novine Hercegovačko-neretvanskog kantona“, broj:04/12) Ministarstvo obrazovanja, nauke, kulture i sporta, d o n o s i

**PRAVILNIK  
O SADRŽAJU I NAČINU VOĐENJA  
REGISTRA VISOKOŠKOLSKIH USTANOVA  
U HERCEGOVAČKO-NERETVANSKOM  
KANTONU**

I OPŠTE ODREDBE

Član 1.

Ovim Pravilnikom propisuje se sadržaj i način vođenja Registra visokoškolskih ustanova u Hercegovačko-neretvanskom kantonu ( u daljem tekstu: Registar), forma i sadržaj, postupak upisa, brisanje, prelazne i završne odredbe i druga pitanja od značaja za vođenje Registra.

Član 2.

Registar sadrži podatke o licenciranim i akreditovanim visokoškolskim ustanovama u Hercegovačko-neretvanskom kantonu.

Registar vodi Ministarstvo obrazovanja, nauke, kulture i sporta u Hercegovačko-neretvanskom kantonu (u daljem tekstu: Ministarstvo).

Član 3.

Registar se vodi u pisanoj formi i u elektronskom obliku.

Na pismeni zahtjev Ministarstvo izdaje izvod iz Registra.

Član 4.

Na osnovu podataka iz Registra objavljuje se popis licenciranih i akreditovanih visokoškolskih ustanova, odnosno studijskih programa u Hercegovačko-neretvanskom kantonu u „Službenim novinama Hercegovačko-neretvanskog kantona“- službenim novinama.

II FORMA I SADRŽAJ REGISTRA

Član 5

U pisanoj formi Registar se vodi u knjizi tvrdog poveza formata A-4.

## Hercegovačko-neretvanskog kantona

Na prednjoj strani Registar (na etiketi) upisuje se: Bosna i Hercegovina, Ministarstvo obrazovanja, nauke, kulture i sporta Hercegovačko-neretvanskog kantona, broj pod kojim se vodi visokoškolska ustanova, a počinje se od rimskog broja I, a zatim nakon završetka vođenja te knjige, upisuju se brojevi II, III, itd. i datum od kada se vodi Registar.

Registar sadrži podatke o:

- Rednom broju i datumu vođenja Registra;
- Uputstvo za popunjavanje Registra;
- Odgovornim osobama i osobama koje vode Registar;
- Rješenju o upisu u Registar;
- Rješenju o upisu u sudski Registar;
- Visokoškolskoj ustanovi;
- Promjenama koje treba upisati u Registar Ministarstva;
- Organizacionim jedinicama;
- Aktu o osnivanju visokoškolske ustanove;
- Rješenju o ispunjenosti uslova za početak rada visokoškolske ustanove;
- Dozvoli za rad-licence;
- Saglasnosti o studiju izvan sjedišta visokoškolske ustanove;
- Saglasnosti za organizovanje studija na području Hercegovačko-neretvanskog kantona visokoškolskoj ustanovi sa sjedištem izvan kantona;
- Šifri i nazivu djelatnosti;
- Naučnim područjima;
- Studijskim programima;
- Rješenju-potvrdi o akreditaciji visokoškolske ustanove, odnosno studijskog programa;
- Statusnim promjenama;
- Rješenju o oduzimanju licence;
- Pravomoćnosti Rješenja o trajnoj zabrani rada visokoškolske ustanove, organizacijske jedinice ili izvođenja studijskog programa,
- Brisanju visokoškolske ustanove iz Registra;
- Napomenama i
- Datumima upisa u Registar.

## III UPIS U REGISTAR

## Član 6

Visokoškolske ustanove koje rade na prostoru Hercegovačko-neretvanskog kantona podnose Ministarstvu zahtjev za upis u Registar na obrascu UVUR-1 koji je sastavni dio ovog Pravilnika.

Uz zahtjev za upis prilaže se po jedan ovjeren primjerak:

- Rješenja o upisu u sudski registar;

- Akta o osnivanju;
- Statuta i
- Popisa studijskih programa s ECTS bodovima.

## Član 7

Upis visokoškolskih ustanova u Registar obavlja se na osnovu rješenja o ispunjenosti uslova za početak rada i obavljanja djelatnosti visokog obrazovanja (član 17. Zakona o visokom obrazovanju u Hercegovačko-neretvanskom kantonu) i na osnovu dobivene dozvole za rad ili licence (član 24. i 25. Zakona o visokom obrazovanju).

Upis novog studija, izvođenje studija izvan sjedišta i osnivanje organizacijskih jedinica obavlja se na osnovu rješenja o ispunjenosti uslova za početak rada i dozvole za rad-licence, a zahtjev za upis podnosi se na obrascu za upis promjena podataka u Registru-Obrazac UPPVUR-2, a obrazac je sastavni dio ovog Pravilnika.

Visokoškolskoj ustanovi koja ispunjava uslove i ima akta navedena u stavu 1. ovog člana izdaje se rješenje o upisu u Registar.

Ukoliko visokoškolska ustanova ne ispunjava uslove za upis u Registar, Ministarstvo donosi rješenje o odbijanju zahtjeva, koje je konačno u upravnom postupku.

## Član 8

Visokoškolske ustanove upisuju djelatnost visokog obrazovanja u sudski registar na osnovu rješenja o ispunjenosti uslova za obavljanje djelatnosti visokog obrazovanja i dozvole za rad-licence.

## Član 9

Visokoškolske ustanove upisane u Registar obavezne su najkasnije u roku od trideset (30) dana izvijestiti Ministarstvo o promjeni podataka koje sadrži Registar, na obrascu za upis promjena podataka.

## Član 10

Upis podataka u Registar vrši se nebrisivom - documental tintom ili documental hemijskom olovkom. Podaci za svaku visokoškolsku ustanovu upisuju se posebno.

## Član 11

Ispravak upisa u Registru vrši se na taj način što se pogrešno upisani tekst precrtava crvenom olovkom tako da ostane čitak, a u slobodnom prostoru iznad ili ispod precrtanog teksta upiše ispravan tekst.

Ispravak teksta ovjerava potpisom ovlaštena osoba upisujući i datum izvršenog ispravka uz ispravljeni tekst ili u rubrici „napomena“.

## IV BRISANJE IZ REGISTRA

## Član 12

Brisanje iz Registra obavlja se na osnovu:

- Odluke o prestanku obavljanja djelatnosti;
- Rješenja o brisanju iz sudskog registara i
- Rješenja o oduzimanju dozvole za rad-licence.

## Član 13

Brisanje upisa visokoškolske ustanove, odnosno studijskog programa iz Registra vrši se precrtavanjem s dvije paralelne dijagonalne linije svih upisanih podataka koji se odnose na visokoškolsku ustanovu, odnosno studijski program. U rubriku „napomena“ upisuje se da je visokoškolska ustanova brisana iz Registra, broj i datum rješenja na osnovu kojeg je izvršeno brisanje.

## V PRELAZNE I ZAVRŠNE ODREDBE

## Član 14

Danom stupanja na snagu ovog Pravilnika prestaju važiti svi dosadašnji propisi koji su se odnosili na sadržaj i način vođenja Registra visokoškolskih ustanova na prostoru Hercegovačko-neretvanskog kantona.

## Član 15

U roku od šest (6) mjeseci od dana stupanja na snagu ovog Pravilnika Ministarstvo je obvezno uspostaviti Registar.

## Član 16

Ovaj Pravilnik stupa na snagu danom objave u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
Ministarstvo obrazovanja, nauke, kulture i sporta

Broj: 05-03-02-2791/12  
Mostar, 11.10.2012.

MINISTAR  
Zlatko Hadžiomerović, s.r.

---